

## Diplomaziun alla Scola mercantila Surselva

Culla fin digl onn da scola han 48 scolaras e scolars terminau lur temps da scolaziun al Center da formaziun Surselva, ellas partiziuns Scola media mercantila, Scola media propedeutica, sco era Scola professionala commerciala e vendita. Alla fiasta da diplom ha il menader da scola *Marcus Beer* saviu gratular allas giuvnas ed als giuvens per lur success professional. Las scolastas ed ils scolasts da classa han surdau 27 attestats federals ad absolventas ed absolvents dallas diversas partiziuns.

Cun fetg bunas prestaziuns ein 12 scolaras e scolars seprofilai. Cun ina nota da 5.7 ei *Karin Berni* da Val S. Pieder alla testa dalla rangaziun. Medemamein cun nota finala da 5.6 ha *Flavia Zinsli* da Stussavgia Thalkirch terminau gl'emprendissadi el commerci en detagl tier *Menzli Sport* a Glion. Ina nota finala da 5.4 han *Aileen Dermond* da Rueun (profil E, administraziun communal Falera), *Anja Gioosi* da Rueras (profil M, Addissa, Glion), *Nicole Jacomet* da Mustér (Banca cantunala grischuna, Cuera), *Paula Maissen* da Trun (profil E, Tarcisi Maissen SA, Trun) e *Rowina Tönz* da Val S. Pieder (commerci en detagl, Zinsli ferramenta e tenercasa, Glion) contonschiu. En lur plaids festivs han las scolastas ed ils scolasts engraziu a tuttas diplomandas e diplomands per lur grond engaschi duront la scolaziun e gratulau per lur prestaziuns. Embelliu musicalmein la fiasta han las scolaras *Tiziana Defuns*, *Svenja Tomaschett* e *Shirin Schwager*, accumpignadas dils scolasts *Retus G. Pfister* ed *Alex Cola*. (fmr/abc)